

四庫全書

史部

欽定四庫全書

浙江通志卷四十九

古蹟

十一

嚴州府

上

古郡城 嚴陵志在今淳安縣乃郡城舊址吳賀齊
所築縣西古城基則其外城也

晉太子城 新定續志在今淳安縣西梓桐鄉普慈
山之巔相傳晉太子嘗避地築城於上今跡猶存

始新城 水經注浙江又左合絕溪溪水出始新縣

西東逕縣故城

方輿紀要在淳安縣西六十里咸平鎮吳賀齊置縣於此

古嚴州城 名勝志在桐廬縣西十五里桐江西岸

隋仁壽二年鴻臚寺丞蘇綸築

桐廬故城 萬厯桐廬縣志在縣西二十五里吳黃

武四年築隋開皇九年并縣入錢塘其城遂廢今

孝泉鄉漏港有故址存焉

古縣城 嚴陵志在桐廬縣治西北十五里唐貞觀

二十年廢桐江西岸城改築開元二十六年以水患復移城桐江口即令縣治是也故邑人謂此為

古縣城

嚴州府志元張士誠令其部將劉真據桐廬謀築城毀安樂塿及牛山臨江扶闌取

其砮石掘地作河事尋寢今市中心及橫港一帶隱然隆起者皆新城基也

唐寓之城 方輿紀要在桐廬縣東南三十五里南

齊永明中築地名舒灣

弘治嚴州府志寓之富陽人僑居桐廬南齊永明二

年冬聚黨作亂郡丞張思祖遣浹口戍主楊休武拒戰大破之事載南齊史今相傳為孫恩亂時寓之築城以禦寇自齊永明上距晉隆安孫恩之變八十有六年不知舊經何據也

遂安古城 萬厯遂安縣志在木連村溪北唐武德
四年遷縣治於今處其故城廢而址存

壽昌舊城 嘉靖壽昌縣志即今桂村東臨小溪乃
七里橋也城壕形跡尚存

新昌城 方輿紀要在壽昌縣西永平鄉孫吳時置
昭德城 方輿紀要在分水縣西北嘉德里唐寶應
二年築

宋遂安軍節度治 嚴陵志在子城正南宣和三年

知州周格建門曰遂安軍門

宋州治 嚴陵志舊在子城內正北宋宣和三年知州周格重建元末燬

宋諸廳 新定續志通判廳在軍門內西添差通判廳在東山下淳熙丙午陳公亮創知錄叅軍廳在嚴州門內街西司理叅軍廳在嚴州門內街東路分廳舊無定居南渡後在兜率寺東觀察支使廳節度推官廳觀察推官廳司戶叅軍廳司法叅軍

廳並在遂安軍門內東偏

宋倉庫 新定續志都倉在子城東門內街北平糴
倉附常平倉軍資庫在儀門外街西甲仗庫在州
衙廳西廡樓屋上回易庫在儀門外街西公使庫
在州衙廳東廡樓屋上抵當庫在州東比較務抵
質庫在遂安軍門內之東醋庫在遂安軍門街東
合同場在善利門內都酒務在嚴州門外比較務
在州東下市贍軍務在和平門外都商稅務在比

較務東東津稅務在東津神泉監在望雲門外

宋軍營 新定續志遂安軍在子城內即嚴州治也
威果營在望雲門內街南雄節營在望雲門內街
南崇節營在軍門內街東壯城營在安流門內牢
城營在州南寧節營附在牢城營屯駐兩指揮並
寓廂軍營

宋貢院 嚴陵志舊在兇率寺西淳熙乙巳知州陳
公亮就州學之西建

宋建德縣尉司 嚴陵志在府治東南隅之阜俗坊

今稅課司即司舊基

漢新都郡治 萬厯嚴州府志舊在新定里今淳安

地

名勝志淳安縣在三國為始新即新都郡治在隋為新安即睦州治也

吳新安郡治 嚴陵志在淳安縣城正北依山阜為

之即今縣治

漢始新縣治 嚴陵雜識在今淳安縣西六十里永

平鄉

名勝志後漢書建安十三年遣威武中郎將賀齊討安縣歙因表葉鄉為始新縣此置縣

之始今縣西六十里永平鎮有賀將軍祠志稱縣在永平鄉者是也

漢始新尉治 水經注立始新之尉於歙之葉鄉

隋雉山縣治 嚴陵志在淳安縣南二里大業初遷於此唐神功元年徙今治

漢新定縣治 太平寰宇記漢建安十三年置新定

縣今遂安縣

詳見城池

隋遂陽縣治 萬厯嚴州府志舊在遂安縣之木連村唐武德四年遷於五獅山之南是爲今治

吳新昌縣治 嚴陵志在壽昌縣西永平鄉六都花園平吳分富春立新昌縣治於此今地名猶曰故城坂

元西塢寨 嘉靖壽昌縣志縣西南梅峯之頂望金衢二州之境歷歷在目山有壘號西塢寨乃元時鎮守之地

唐昭德縣治 嚴陵志在分水縣西北生仙鄉嘉德里唐寶應中析分水置昭德縣於此

唐分水縣尉司 新定續志分水縣尉廨相傳為唐

時建宋政和間簷瓦墜有唐會昌四年八月字

宋定安寨 新定續志在分水縣東二十里吳村

瀟灑園 輿地紀勝郡治圃之總會也舊名後樂

杏園 新定續志在郡治瀟灑園池之西

北園 新定續志在郡治自為一區淳祐己酉知州

趙孟傳改建讀書堂

西園 新定續志通判廳有園曰西園為亭三曰第

一開亭舊名梅亭曰愛蓮亭曰仰高亭舊又有苑
亭湛碧蔬畦三亭建德尉嚴康朝撰西園記

多慶園 名勝志宋新定驛舊在州南門外謂之行
衙即多慶園舊址

水竹園 新定續志在桐廬縣定安鄉地名吳村唐
乾符間吳璵舍園為長樂院

桂館 輿地紀勝在郡治瀟灑園池之西

西館 嚴陵志在安泰門外

東館 嚴陵志在府城東南五里前臨江岸今為富

春驛

定川館 萬歷嚴州府志在定川門外臨歙江

錦溪館 陳華繡衣堂記余治淳安淳熙辛丑夏四

月既葺錦溪館又一月而繡衣堂成乃屬王君勉

中大書其榜

雉山館 嘉靖淳安縣志在縣西南五代時建

桃李莊 新定續志在郡治瀟灑園池之西



相莊 萬厯嚴州府志宋齊龍高淳安人創讀書之

室聚徒授學

昇平圃 新定續志在分水縣街前揖巖山後帶雙

峰亭館久廢

高風堂 新定續志在郡治治事廳之東紹興七年

知州董弁建

汪藻高風堂記漢之二祖皆以布衣取天下高祖之時有若東園公綺里

季夏黃公角里先生世祖時有若嚴子陵皆人主不得而臣者園綺四人避秦之亂入商雒山帝雖高此四人召之莫能致也嚴子陵亦厭新室之暴不肯辱其身逮光武立猶披羊裘釣澤中雖三聘

僅能一致而卒不為帝留是五人者出處豈不相
類哉然園綺之徒晚從太子之招畫自安之策正
國本於談笑而史不記其所終故西漢之士聞其
風而慕之者以計行為得而風節減於功名子陵
本帝故人既物色求之而來高卧不朝帝為親幸
其館漠焉不應終其身退耕於野故東漢之士聞
其風而慕之者尚風節以功名為不足道也子陵
世家富春既歸耕於家後人名其釣處為子陵瀨
令釣瀨并臺俱存而富春之境析為嚴州紹興七
年吾友董弁令昇為是州期年政成乃為堂於州
治之左日從賓客觴詠其上而名之曰高風以景
慕先生之賢且立文正范公所建祠堂碑於其傍
而求乎文為記令昇可謂能尚友千古矣故
余論先生出處大概以告令昇使併刻之

思范堂新定續志在郡治瀟灑樓下

嚴陵志後人
思范仲淹之

遺愛
故名

秀岐堂

新定續志郡治黃堂之北舊名省心知州

錢可則以近郊獻雙穗麥因更此名

黃堂

新定續志郡治設廳之北爲黃堂舊名凝香

賦梅堂

嚴陵志在府治面山閣下即黃堂舊址宋

淳祐十二年知州季鏞以黃堂扁於設廳之北易

名賦梅

燕堂

新定續志在郡廳事之北又北爲綠陰堂

南薰堂 新定續志在通判公廳右嘉定癸酉通判

謝采伯建

錦繡堂 新定續志在通判廳南薰堂右淳祐辛亥

通判吳溥建

風月堂 新定續志在通判公廳後宋景定庚申通判曹元發仍以舊扁題之

平分風月堂 新定續志在添差通判公廳後

琢句堂 嘉靖淳安縣志在縣治內宋嘉定元年知

縣鄭湜建

鄭湜孫句堂記湜至淳安縣治東有讀書林又東有堂四楹其北東及南又各

扶一室而皆無名訪其營創之始則曰前二十年令章君子獲為之他日披地志縣初號始新自吳厯晉宋齊梁陳為新安郡治在隋唐為睦州後改治建德改曰新安曰雉山曰還淳曰青溪宣和間又改今名方昔之為新安也溪山之勝聞天下今縣治在半山間前臨溪其南羣山萃然爭出若顧若揖忻於相遇跋其東溪亦可見乃即其址而南之再旬浹而屋成凡規模短長畧皆如舊前加崇軒面勢羣山高明亢爽絕出鷺塵之外遂為縣治環偉絕特之觀取東坡送李陶通直赴青溪有溪山琢句新之云遂以琢句名之

勤清堂 嚴陵志在淳安縣治內宋嘉定五年知縣

楊恕建

待問堂 嚴陵志在淳安縣學宋淳熙六年知縣陳
曄建嘉定九年知縣應與權改名謹教堂十三年
知縣趙崇斌改名崇化堂淳祐四年知縣趙崇嶠
改名化成堂

萬溪書堂 萬歷嚴州府志在淳安縣邑人方有開
建朱熹爲書扁

睦山堂 葉適睦山堂銘序周茂良居睦源家傍山

拱水揖望神洞白雲遠近顯敞作屋聚書草木脩
列余名之曰睦山堂

敬悅堂 錢時敬悅堂記吳正甫築堂曰敬悅又築
亭於池上曰詠春既為作隸古字且為記

聞堂

關

萬厯桐廬縣志在縣治宋慶元五年知縣

陳宋興建

招隱堂 新定續志在釣臺書院紹興八年知州董
弇建

清風堂 遂高堂 新定續志淳祐辛亥知州趙汝

厯重建釣臺書院由官廳而右為講堂榜曰清風
北為複屋榜曰遂高

萬卷書堂 萬厯桐廬縣志在縣後宋進士方慤建
思遜堂 萬厯嚴州府志在壽昌縣治縣在萬松山
宋時枕山為思遜堂

漾月齋 嚴陵志在府治西安泰門外西湖

虛舟齋 張栻虛舟齋銘序遂安詹儀之體仁闢齋

於便坐以其虛以長也則題之曰虛舟

正巳軒 嚴陵志在淳安縣治宋建

拄笏軒 名勝志淳安縣尉廳西序嘉靖淳安縣志

乾道中尉周標建

周莘拄笏軒記今吏部尚書周公歲在己未嘗尉茲邑葺一室

於官廨西序為藏修校讐之地面勢羣山壯聳聯峙名之曰拄笏軒迨今三十稔莘適踵後塵至此則其室已墟矣獨環翠競秀自若也忽一日鄉老先生葛勉之出示周公拄笏軒二詩且謂莘曰賢者之興而愚者之廢公與尚書公同里通內譜興其廢詎宜後莘曰興不專乎賢廢不必乎愚以周公而興之誠賢也其所以廢之者果皆愚乎廢而復興者果賢乎願推之於適相值而泯其賢愚可

也請於邑大夫得官錢十萬以
供是役取故名書以揭於楹間

梅隱軒 新定續志在淳安縣尉司

羊裘軒 新定續志在桐廬縣釣臺書院紹興四年

知州顏為建

瑞芝軒 萬厯嚴州府志在桐廬縣禪定院宋紹興
間張浚訪分水王縉憩於寺中經宿而芝草生僧
構此軒以表之

聽松軒 萬厯桐廬縣志在縣南俞深著書之所軒

側多松

觀魚軒 萬厯桐廬縣志在質素鄉俞星叟隱居

植賢亭 松月亭 新定續志郡治治事廳之東北

爲植賢亭爲松月亭

銀潢左界亭 新定續志郡治內東溪射圃之南有

亭曰銀潢左界舊名飛練

賞春亭 嚴陵志在府治內後圃宋嘉祐中知州趙

杅建

趙杅賞春亭詩羣芳開遍滿亭隈當盡芳尊
醉看來始信春光無限好亂山窮處亦花開

環翠亭 輿地紀勝在郡治千峯榭之東

錦窠亭 新定續志在釀泉之南舊名采歧寶祐中

知州吳槃改今名

擬蘭亭 新定續志在郡治掬泉為流觴曲水舊名

流羽其東北為釀泉

秀亭 新定續志添差通判廳有秀亭枕東山為之

足遠眺望寶祐癸丑通判楊敬之重建越三年乙

卯通判吳堅以舊扁題之

翔蛟亭 新定續志在郡治東溪之東

環溪亭 方輿勝覽在郡城中唐建

方干睦州呂郎中郎中環溪亭

詩為是仙才登望處風光便是武陵春閒花半落
猶迷蝶白鳥雙飛不避人樹影睡餘侵枕簟荷香
坐久著衣巾暫來此地非
多日明主奚容借寇恂

盍簪亭 新定續志在郡治東舊名東館淳祐中知

州季鏞重建

分歛亭 嚴陵志在府治南紹興八年知州董弇為
亭以待艤舟者以其下臨歛江取孫權分歛之義

為名

溪山偉觀亭 新定續志在郡城朝京門南與南山
瀟灑亭相望羣山獻奇二江成字梳櫓下上一舉
目而盡得之景定辛酉知州錢可則建

孤高亭 輿地紀勝郡城西山上舊有孤高亭

玉泉亭 萬歷嚴州府志玉泉在府城東烏龍山麓

宋時嘗構亭於上

趙抃玉泉亭詩潺潺朝暮入神
清落澗通池繞郡廳亂石長松

三十里尋源
須上玉泉亭

萬松亭 嚴陵志在建德縣北烏龍山

瀟灑亭

新定續志在建德縣光孝寺後山上

錢可則登

瀟灑亭詩有緣結得南山境瀟灑亭高最可人此
景古今吟不盡熙熙客裏且行春方回兩至南山
飲瀟灑亭詩悠悠桐江水寓廬十二年重來六日
內兩日登南山南山有何好高閣西北偏隔江三
千家一抹烟靄間閣檻一巨松挺出衆木前野性
所酷愛老藤相糾纏亦如我與僧相對談幽禪稍
遂物外性屢寓酣中篇故侯復齊民翼
髮成華顛念當舍此去焉得長周旋

泳澤亭

新定續志在湖隄上與湖心寺相望傍為

二亭曰淨碧曰汎清景定辛酉知州錢可則建

湖光亭 嚴陵志在府治西和平門外跨西湖紹興
七年知州胡寅建

聖泉亭 方回聖泉亭記建德縣尹卜君元奠禱雨
烏龍山既而送泉還山有井木出古湫底取視則
昔人所書聖泉二字令尹乃議復其舊而識之

晨光亭 嚴陵志在建德縣湖心寺東一名浸雲

安流亭 新定續志在郡治東朝京門外江滸

要津亭 萬厯嚴州府志在建德縣南濟川橋景定

庚申知州錢可則建

凭遠亭 秋風亭 深秀亭 環碧亭 嚴陵志並

在淳安縣治圃內宋建

昌亭 嚴陵志在淳安縣東十里梁天監二年郡守
任昉於此亭送客

物外亭 輿地紀勝在淳安縣南山上林木陰翳

青溪勝槩亭 嘉靖淳安縣志在縣南南山下百丈

橋南岸

嚴陵志舊名南
峯亭後改為樓

溪山風月亭 宋用張溪山風月亭記環淳皆山也

青溪之南有梅花峯其下風潭百頃今程子以中構亭其間名之曰溪山風月

泉亭 嘉靖淳安縣志在仙翁井一名冷水亭

皆喜亭 嘉靖淳安縣志在縣南七十五里遼嶺之巔其山峻絕至此皆喜

鶴迹亭 嘉靖淳安縣志在合山之下獅子山仙翁

廟側

更清亭 西麓亭 山亭 新定續志並在桐廬縣

圃

萬厯桐廬縣志淳熙間縣令向潛建更清亭明正德中知縣張瑩得更清石刻於土中置於後

壁

豐亭 嚴陵志在桐廬縣西社稷壇上宋嘉祐中令

劉公臣建

合江亭 嚴陵志在桐江口舊名濟亭宋治平間令

曾黯改名臨江亭元絳復改為合江亭後為合江

樓亦登覽之勝也

新定續志淳祐中知縣楊瑱重建王堃書扁吳子良為記李恭

合江亭詩一絲風下碧雲天亭上牕開霽色鮮嚴
子釣臺青樹裏桐君丹竈白雲邊千家畫棟前朝
屋百里清江過客船瀟灑桐
廬幾興廢野花山鳥自年年

艤棹亭 桐江游錄桐廬南瀕江其地頗雄勝宋嘉

定十七年令趙汝憚建亭於上

望江亭 萬歷桐廬縣志在縣北鳳宮嶺嚴陵志宋
時高僧儀鳳山立

乳泉亭 嚴陵志桐廬縣珠山之側有乳泉上有亭
遐矚亭 桂崖亭 名勝志在桐廬縣東鳳凰山宋

丞相曾懷嘗寓此築遐矚桂崖二亭以資游息

砥如亭 萬厯桐廬縣志在縣西北宋紹興中里人

袁昇建

拱翠亭 嚴陵志在桐廬縣西舞象山前宋紹定元年令張拱新之

鳳凰亭 萬厯桐廬縣志在桐君山

東臺亭 西臺亭 新定續志釣臺有東西二臺東

臺舊有亭更為亭於西臺對立相望淳祐辛亥知

州趙汝歷建

客星亭 程敏政客星亭記嚴先生祠之東故有客
星閣弘治丙辰巡按吳公瀚至嚴州詢閣之故址
不獲乃於祠西得地焉易閣為亭以還舊觀

天下十九泉亭 嚴陵雜志釣臺下泉甚甘茶經品
第天下水味此泉居第十九舊時江岸有天下十
九泉亭

玉泉亭 萬歷桐廬縣志在富春山下宋淳熙十一

年郡守陳公亮以泉色如玉建亭江瀕榜曰玉泉
錦峯繡嶺亭 萬厯桐廬縣志在富春山峽中元至
正元年總管羅廷王建

三公不換亭 嚴陵志在富春山前元至正元年總
管羅廷王建

許劍亭 宋遺民錄釣臺對岸謝翱墓右有許劍亭
其友方鳳以翱作許劍錄故作此亭從翱志也

萬厯

嚴州府志桐廬嚴侶以翱無子與
社中友買地釣臺南築之築此亭

汐社亭 嚴陵雜志在釣臺南宋謝翱有汐社因以

名亭

清心亭 登雲亭 飽山亭 魴橋亭 貯清亭

新定續志並在遂安縣治

巖姿亭 新定續志在遂安縣治依山為之

薰風亭 嚴陵志在遂安縣治元達嚕噶齊邊王律

建

潺湲亭 名勝志在遂安縣唐會昌六年縣令李公

廉建去治南二十五里

山亭 新定續志遂安縣山亭記知縣孫應時撰

雲宅亭 新定續志遂安縣雲宅亭記吏部員外郎

朱異撰

大觀亭 萬厯遂安縣志在縣北瀛山書院

極目亭 新定續志在壽昌縣治山上山川之勝映

帶左右

南昌勝景亭 新定續志在壽昌縣衙景定庚申知

縣黎舉德建亭之南榜曰屏山第一峯

涵碧亭 嘉靖壽昌縣志在縣治宋景定庚申令黎舉德建其亭倣舟爲之

龍首亭 新定續志在壽昌縣東青龍山景定間知縣黎舉德與邑人徐南一築亭其上

聖水亭 嘉靖壽昌縣志在東岳行祠元至元乙亥知縣尹子玉作

小蘭亭 嘉靖壽昌縣志在九曲洞濬溝作九曲以

泛觴題咏甚多

清風亭

沈周有壽昌清風亭詩

白雲亭

晏公類要在分水縣唐羅萬象隱於紫邏

山築白雲亭而居

高青亭

嚴陵志在分水縣學宋張即之書扁

望江亭

新定續志在分水縣東五里

窪泉亭

分水縣志在縣東南白沙嶺宋建

濯纓亭

新定續志在分水縣甘泉寺東

瀟灑樓 新定續志郡治正堂北舊名紫翠嚴陵志

宋宣和中知州周格建

范仲淹瀟灑桐廬郡烏龍山霽中

使君無一事心與白雲空瀟灑桐廬郡開軒即解
顏勞生一何苦日日面青山瀟灑桐廬郡全家長
道情不逢歌舞事遠舍石泉聲瀟灑桐廬郡公餘
午睡濃人生安樂處誰復問千鍾瀟灑桐廬郡春
山半是茶輕雷何好事驚起雨前芽瀟灑桐廬郡
家家竹引泉令人思杜牧無處不潺湲瀟灑桐廬
郡千家起畫樓相呼采蓮去更上木蘭舟瀟灑桐
廬郡清潭百尺餘溪翁應有道所得是嘉魚瀟灑
桐廬郡嚴陵舊釣臺江山如不勝光武肯教來瀟
灑桐廬郡身閑性亦靈降真香一炷臨老悟黃庭
謹按范仲淹以仁宗景祐元年為郡守周格以徽
宗宣和四年為郡守是瀟灑樓之名起於周格因

仲淹有此十絕而名之也

鼓角樓 嚴陵志在府治儀門外宣和三年知州周

格建

洪音樓 萬厯嚴州府志在府治西上有巨鐘

勅書樓 萬厯嚴州府志在府學宋乾道五年知州

張棡建

甘棠樓 嚴陵志在府治西善利門北城角俯臨西

湖自唐有之

光風霽月樓 新定續志在添差通判公廳左宋淳

祐十一年通判潘墀建

聚星樓 嚴陵志在淳安縣馬巖山方逢辰讀書之

所

天邊風露樓 嘉靖淳安縣志在縣東二十里瀕江

宋邑人盧珏建

方逢辰為記盧珏天邊風露樓詩
十二闌干俯碧溪凭高一覽萬山

低晴灘厯厯輕帆轉烟樹重重幽鳥啼但覺興隨
流水遠不知身與白雲齊年來先寄東君信多種
梅花在

屋西

登雲樓 嚴陵志在淳安縣東九十里相傳為方逢辰讀書之所蓬萊山人為記

白雲樓 名勝志宋淳安邵炳築樓名曰白雲隱其

上時稱白雲先生

嚴陵志在淳安縣東靈巖源

慶豐樓 新定續志在桐廬縣衙東酒壚寄焉

遂高樓 嚴陵志在桐廬縣釣臺前宋淳祐十一年

郡守趙汝厯建

竹樓 萬厯嚴州府志在桐廬縣西北安樂鄉

萬厯桐廬縣志

昔戴顓寓桐江王羲之往
訪之因游於此作竹樓

玉華樓 新定續志在分水縣衙東酒坊在焉

面山閣 新定續志在郡治錦窠亭之東

潺湲閣 新定續志郡治荷池之東為潺湲閣

夕暉閣 嚴陵志在府治西安泰門外西館

觀風閣 嚴陵志在府治北拱辰門外

竹閣 萬歷嚴州府志在府治西能仁寺南偏宋景

祐中范仲淹守郡日嘗賦詩後人更名思范亭紹

興九年重葺復舊名嚴州府志思范亭即竹閣基

明知府劉綱塑丈正像其中以呂成公配之

范仲淹和

章岷推官同登承天寺竹閣詩僧閣倚寒竹幽襟
聊一開清風曾未足明月可重來曉意烟垂草秋
姿露滴苔隼賓何以竚雲瑟與霞盃劉述和題竹
閣詩竹閣寒相倚雲憲曉共開閑身方外去幽意
靜中來聲響風隨籜陰移石上苔遲留更清夜待
月露盈盃名勝志右二詩治平中刊石置於思范
亭

謹按竹閣詩見於范文正
公集郡志作阮逸誤也

江閣
方干有桐廬江閣詩

靈香閣 嚴陵志在建德縣西北兜率寺宋熙寧中
學士蘇頌為記

曇華界閣 建德縣志在城西西湖寶華洲上

瀟灑閣 方回有南山寺瀟灑閣詩見桐江續集

聖醮閣 嚴陵志在桐廬縣治北城隍廟側宋建令
為公館

競秀閣 明一統志在桐廬縣東下瞰長江景為一
邑之冠宋米芾書扁嚴州府志昔人號為小金山

朱翌競秀閣詩
桐川遙展石丞圖
盤谷中藏亭
居龍睡潭深
飛客棹鳳鳴
枝老結吾廬
但令蠟屐
去前齒
共用鴟夷託
後車
西望
子陵
三十里
烟雲來往問
何如

高風閣
嚴陵志在釣臺
東宋紹定元年郡守陸子
通建

客星閣
新定續志在釣臺書院
紹興四年知州顏
為建

雲峯烟水閣
新定續志在釣臺書院
臨流為閣
宋淳祐辛亥知州趙汝歷建
後改為山高水長閣
元

至正元年總管羅廷玉修

鳳鳴高閣 萬厯桐廬縣志在桐君山

清芬閣 萬厯桐廬縣志在白雲源宋景祐中范文
正守睦謁方干故居有詩云幽蘭在深處終日自
清芬後人因建閣名曰清芬

清暉閣 嚴陵志在遂安縣郭內相傳宋時建郡人
姜師仲記

戴星閣 新定續志在遂安縣治

冷風閣 嚴陵志在府治東高風堂北即千峯榭之基

月臺 新定續志郡治思范亭之北為月臺

釣臺 晏公類要桐廬縣西二十九里有嚴陵釣臺

嚴陵雜志富春山上東西二釣臺漢嚴子陵隱釣

處

水經注桐廬縣凡十有六瀨第二是嚴陵瀨瀨帶山山下有石室嚴子陵之所居也嚴陵志嚴

子陵釣臺山邊有石名為釣壇東西對峙高百餘丈下瞰大江古本叢林鬱為麓藪宋景定中范文正守睦乃建嚴先生祠堂於臺下其東巖絕壁乃唐處士方干舊隱由其地勝景絕人多留題元祐

八年縣令鄭琬集古今詩文二百餘篇名曰釣臺集釣臺考證宋開禧元年郡守孫叔豹於富春山絕頂榛莽中得廢田項許又見屋址碑石之類當是嚴先生田廬先生故居在嚴山之下今有嚴村居人皆嚴氏自以為先生之後云許渾釣臺詩天晚日沈沈孤舟繫柳陰江村平見寺山郭遠聞砧樹密猿聲響波澄雁影深榮華暫時事誰識子陵心又釣臺絕句潮去潮來洲渚春山花如錦草如茵嚴陵臺下桐江水解釣鱸魚有幾人

思臺 嘉靖淳安縣志在縣東南盧溪元孝子姜兼

所居兼終喪時陟其上望墓哀號因名思臺

方道
歎思

臺文集序姜君之里為盧溪居釣臺上游水尤清激旁小阜特起宛與釣臺類君終喪未歸猶旦暮

登陟其上遙望隔浦松栢向墓號慟以寫蓼莪無窮之戚表其臺曰孤苦望思太守覃懷薛公起吾為之記

江公望宅 嚴陵志在府治西南里仁坊宋諫議大

夫江公望所居

嚴陵雜志
內有天井

方儼宅 嚴陵志淳安縣都督山漢方儼所居儼嘗

為大都督因以名山

方昊宅 名勝志在淳安縣五代方昊以節義自高

講學上貴精舍以終其身

邵晃宅 萬厯嚴州府志淳安縣霖巖洞昔邑人邵晃讀書於此其子炳復築室於洞側隱居焉元祐中通判楊備訪之為名其洞曰霖岩

商瑗宅 嘉靖淳安縣志在遼源芝山宋嘉祐中西夏都知兵馬使商瑗入朝奏事因留家焉今山麓多商姓所居

錢時宅 新定續志在淳安縣招賢里融堂先生錢時所居其講學著書之所為齋者四曰高齋冬窩

安素蜀阜爲堂者三曰此山敬止慶光登臨吟咏之所爲亭者五曰歸然歲寒咏歸山翁野翁吟光

風霽月其歸自史館乃創經史閣以貯書籍

萬厯嚴州

府志滄浪亭亦亭可亭並在招賢里錢時故居

黃蛻宅 嘉靖淳安縣志在縣東龍山鄉合洋宋淳祐間黃蛻所居今爲柘山書院

方逢辰宅 嚴陵志在淳安縣靈巖山宋時方逢辰舍其下更號蛟峯

方逢嘉宅 名勝志在淳安縣馬巖山下逢嘉累薦
皆辭號曰巖隱

呂人龍宅 嘉靖淳安縣志淳安縣鳳山在永平鄉
有呂人龍者居其下爲世名儒

盧珏宅 新定續志在淳安縣雙玉里珏宅產雙竹
知州李介叔名其里曰雙玉

胡椿齡宅 嘉靖淳安縣志在東湖藕絲山宋進士
胡椿齡居此

胡杲宅 嚴陵志淳安縣雙桂源宋有胡杲五世義

居

桐君宅 晏公類要在桐廬縣東一里

許邁宅 名勝志桐廬縣西常山晉許邁自餘杭來

結樓以居其址尚存

戴顓宅 太平寰宇記桐廬縣戴山宋徵士戴顓所

隱處

萬歷桐廬縣志縣東戴山劉宋時會稽戴顓與其兄弟來隱於此絕頂頗平傍有九田灣

有顓煉丹鼎竈

陳京宅 萬厯嚴州府志在桐廬縣歌舞鄉風泉里

京至孝刺史蕭定以聞旌其門更其鄉曰至德里
曰如魯大厯十年立石紀其事

方干宅 呂祖謙釣臺記嚴陵瀨之旁為白雲源乃

唐詩人方處士之故廬范文正公之游釣臺也嘗

絕江訪其遺跡以其像寘祠之左

嚴陵雜志方干初居桐廬之鷓

鷓源後徙鑑湖方回夜宿鷓鷓源詩小序鷓鷓源亦曰白雲村即吾家唐元英詩翁之故居其宅乃元英遠孫提幹君秘之家方干思桐廬舊居便送鑒上人詩莫道東南路不賒思歸一步是天涯林

中夜半雙臺月洲上春深九里花綠樹遶村舍細
雨寒潮背郭卷平沙聞師却到鄉中去爲我殷勤
謝酒家林景熙方元英故居詩驪舟鷗鷺港白雲
滿高原借問元英居遺構無復存精靈我百載山
鬼憑幽昏獨遺文字香隱隱草樹根轉盼東山麓
彷彿見柴門啼猿助悽切亦復銷我魂漁父趣歸
棹牛羊下前村長揖者誰子未識情已溫云十有
六葉咸通之耳孫緬想幽人後風雅天所敦相攜
就茆屋一笑酌瓦尊

李頻宅 嘉靖壽昌縣志在縣西永平鄉八都

李頻
山居

詩欲出窮吾道東西自未能捲簾惟對鶴開畫獨
留僧落葉和雲掃秋山共月登何年石上水夜夜
滴高層

章八元宅 萬厯桐廬縣志常樂鄉章邑里唐進士
章八元家於此

呂本中宅 萬厯嚴州府志本中寓居桐廬縣蘆茨

源

黃裳宅 嚴陵志在桐廬山中垂雲洞黃尚書裳所
居裳自號紫元居士改洞名紫元

江端友宅 萬厯嚴州府志江端友寓居桐廬縣蘆
茨源自號七里先生

劉元珣宅

嚴陵志在桐廬縣西北十五里今寧國

寺

詹大方宅

萬歷遂安縣志在五獅書院之後宋樞

密詹大方故宅其孫騃中淳熙狀元因名其臺爲
狀元臺下有漱芳亭

翁洮宅

名勝志在壽昌縣西十里青山下唐聘君

翁洮隱居之所

翁洮春晚歸故山書亭壁詩旋構
危亭傍小池綵楊修竹遶池圍樹

藏鶯嘒雨初過花引蝶來春未歸
跼蹐半生成底事放懷今日始知非
從今更與沙鷗約我已忘機

汝莫
飛

胡楚材宅 嘉靖壽昌縣志在縣西南默山宋秘書

郎胡楚材以剛直忤權貴歸隱此築室其上故址

尚存

周大雅宅 萬厯嚴州府志在壽昌縣艾溪南大雅

廬墓三年有羣鳥馴其旁趙清獻拊請於朝錫以

束帛改其鄉曰至孝里曰求忠

邵嘉言宅 嘉靖壽昌縣志宋吏部侍郎邵嘉言宅

在縣西永平鄉七都

童淑宅 嘉靖壽昌縣志宋贈太尉童淑宅在縣南
仁豐鄉童源

葉三省宅 嘉靖壽昌縣志宋封遂安縣公葉三省
宅在縣西永平鄉六都

葉義問宅 名勝志壽昌縣西四靈山宋樞密葉忠
簡義問故居在焉

施肩吾宅 嚴陵志在分水縣延招鄉今多施姓皆

其後裔有施憲者藏肩吾告身注云睦州分水縣

桐峴鄉寶城里人

嚴陵雜志皇祐中邑令陳倩作肩吾集序謂肩吾出於延招觀

冊告則云桐峴鄉寶城里今縣境不復有此鄉是後世改為延招耳

徐凝宅 嚴陵雜志施肩吾徐凝皆分水人凝居栢

山肩吾居延招今二村以施徐爲名而宗裔甚繁

千峯榭 方輿勝覽在州宅自唐有之嚴陵志在府

治東北偏跨子城之上宋景祐中范仲淹重建下

爲松關後人重建易名曰冷風臺紹興二年知州

潘良貴復舊名

方干題睦州郡中千峰榭詩豈知平地是天台朱戶深沈別徑開曳

響露蟬穿樹去斜行沙鳥向池來窻中早月當琴榻牆上秋山入酒盃何事此中如世外應緣羊祜

是仙

才

木蘭舟 新定續志郡治荷池之西為木蘭舟舊名

荷淨

三墩 嚴陵志一在通判治前一在建德縣治前一

在水南俗傳為郭璞審

讀書林 新定續志在淳安縣治圍內

柵源 明一統志在淳安縣東吳賀齊與山越戰樹柵於此

宋齊邱石室 舊浙江通志在淳安縣東北蕪山旁宋齊邱讀書於此

錦沙村 太平寰宇記青溪縣錦沙村傍山依壑冠軍吳喜聞而造焉彌旬忘返嘆曰名山美石故不虛賞

青溪村居 戴叔倫有青溪村居詩

時里石門 嚴陵志在淳安縣西四十里輿地志云
石門關神門也嘗為霧塞無人得見

仙壇 名勝志在淳安縣西北數里有岡阜隆起昔
洪氏即其中架屋名曰仙壇

仙居書屋 萬厯嚴州府志在淳安縣南遼源深洞
嶺商輅構

松竹林 嚴陵志在桐廬縣治宋政和間令黃預建
董舉圻 名勝志桐廬縣西獨山下有白水湖傍有

晉夏孝先孝子泉唐里人司徒董舉居泉側天旱舉
露禱運石瀦水既而沙漲成圻因以為號

滄江書舍 嚴陵志在桐廬縣西北十五里距江不
百武乃唐比部方勛之別業宋名儒方慤之故居
錢王擔石 嚴陵志在桐廬縣西北二石重疊人呼
錢王擔石

錢王水穴 名勝志在桐廬縣赤洲嶺相傳吳越王
錢鏐微時嘗憇嶺上其當膝處忽成穴有泉涌出

名錢王水穴

藍田精舍 嚴陵志在桐廬縣西北藍田山宋時里人姚勢創精舍於上遺址在焉

太湖書屋 嚴陵志桐廬縣太湖塘里人俞蓋築室湖南以為讀書之所號太湖書屋

鳳市 嚴陵志俗名鳳墓在分水縣西舊傳昔人開古塚有鳳飛出因於其側名鳳市有雛橋大小雛村之名

栢石 新定續志郡治高風堂北有栢石刻壽栢二字識其古也

石船 新定續志在建德縣胥口西瀕江叢石中長一丈有半宛然小舟也

能仁院鐘 嚴陵志州城能仁院有一鐘制度頗工
吳越錢元珣鑄

古枝木 舊浙江通志在遂安縣十一都山頭相傳
唐時物

古虬松 舊浙江通志在遂安縣琅瑄嶺根柯斑駁若
虬龍相傳秦漢時物

羅漢松 萬厯遂安縣志在縣東惠安寺寺唐時建
有羅漢松二株今存其一

古靈鐘 舊浙江通志在遂安縣元至元十六年造
後遷於縣東樹聲樓

浙江通志卷四十九

欽定四庫全書

史部

浙江通志卷

五十一

詳校官給事中臣戴璐

檢討臣德生覆勘

總校官編修臣倉聖脉

校對官典簿臣劉景岳

謄錄舉人臣陳賓

欽定四庫全書

浙江通志卷五十

古蹟

十二

温州府

下

舊子城

萬曆温州府志在今府城內梁開平初錢

氏始築周三里十五步通四門內衛府治外環以

水元至元十三年廢為民基止存譙樓門址

舊城門

萬曆温州府志舊東門在舊州治東有樓

名華蓋又名東樓亦名華蓋門南樓門在舊州治
西南宋末爲右相都監衙永豐門在舊州治西北
奉恩門在城中北俗稱海壇江山門在拱辰門西
名來化俗稱寶幢門明洪武十七年塞定安門俗
稱上門與來化永清二門相聯在城西北宋高宗

回鑾由此三門其名以此洪武十七年塞

張又新
華蓋樓

詩一岫陂陀凝綠草千重厓翠透紅霞愁來始上
消歸思見盡江城數萬家李兩山華蓋樓詩三十
六坊如掌平長橋短艇水縱橫銀河一道江連海
畫幃四圍山繞城老樹烟雲春綠暗小橋簾幕曉

紅明陰陰翠影誰家
屋夢覺草池鶯一聲

新城 萬厯温州府志新城去府城六里在江北賢
宰鄉郭璞初議立城於此後遷過江今其地爲田

野猶稱新城云

樂清縣故城 隆慶樂清縣志唐天寶三年始築僅

周一里元廢

詳見城池萬厯温州府志縣城故址
唐築舊門東曰登瀛以宋王十朋魁

天下故名南曰清遠
西曰承流北曰祥雲

舊州治 名勝志在譙樓大街正北明洪武元年以

欽定四庫全書

浙江通志
卷五十

為衛治

萬厯温州府志舊治在城西南華蓋橋西
宋高宗建炎四年正月丙午御舟次於章

安鎮甲子泊温州港丙寅次館頭戊辰幸福聖寺
二月己卯次江心寺庚寅御駕自拱北門入民家
皆結綵奉迎至永寧橋百官拜伏道傍山呼震地
上停輿慰問至今巷名萬歲球儀衛由五馬新街
至州治以州治為行宮譙樓為朝門州宅為官禁
扈從甚嚴以崇德寺為都堂儒志坊張氏宅為州
治庾申回鑾駕至上門帝問橋名守臣盧知原對
曰上安問門名對曰定安上大悅百官萬姓隨班
至江次上慰諭久之始登
舟去賜温州仍舊充州衙

宋推官廳 萬厯温州府志今温州府治是也

唐永嘉縣舊治 元和郡縣志永嘉縣即漢回浦縣

之東甌鄉唐上元二年於此置溫州縣移在州東

百八十步

詳見公署

吳羅陽縣治 名勝志在瑞安縣吳時縣治在北湖

魯魯晉太寧間遷於邵嶼遂墟其地

晉橫陽縣治 元和郡縣志晉太康元年分安固縣

南橫嶼屯置橫陽縣

溫州府志今平陽縣地

衆樂園 明一統志在郡城西舊郡治北縱橫一里

中有大池塘亭榭碁布花木彙列宋時每歲二月

開園設酤盡春而罷

永嘉縣志今府城隍廟皆其舊址

五美園 永嘉縣志郡東南大羅山傍有茶山上有

龍潭其下有五美園

黃淮游五美園詩清曉肩輿入翠微溪流曲折護巖扉布

金僦地徒成幻卓錫為菴信不非翠竹黃花俱淨供風聲鳥語總禪機碧潭龍女知人意收却陰雲歸送客

柑園 楊蟠永嘉百咏有柑園詩

玉介園 萬厯温州府志郡城東偏華蓋山上有玉

介園

永嘉縣志王叔果叔果築陽湖別墅嘯咏其中名其集曰玉介園稿

西園 王十朋有昌齡弟新聞西園詩又西園十咏

詩

在樂清

趙園

温州府志在瑞安縣金龜

陳傳良游金龜趙園詩脈脈循簷水

林林夾岸山令兒從竹下領客入雲間稠木容人過懸崖著手攀從今名字出不到徑苔斑

上浦館 明一統志在府城東七十里

樂成館

温州府志樂清縣舊有樂成館唐建

孟浩然樂

成館中懷歸詩異縣天隅僻孤帆海畔過往來鄉信斷留滯客情多鵬月聞雷震東風感歲和蟄蟲驚戶穴巢鵲盼庭柯徒對芳樽酒其如伏枕何歸與理舟楫江海正無波

招仙館 東甌遺事樂清縣簫臺下有招仙館

蓮花莊 溫州府志在郡城會昌湖上宋鄭泰臣之

故居

湖莊 趙師秀有和陳水雲湖莊詩見溫州府志

宋莊 王十朋宋莊詩注宋侍郎別業在思遠樓之

南有軒名遙碧

西堂 方輿勝覽在州宅

甌江逸志謝靈運西堂春草池在華蓋山下即夢惠

連得句之所
今遺跡尚存

讀書堂 明一統志在舊郡治謝靈運讀書於此

謝靈

運齋中讀書詩昔余游京華未嘗廢丘壑矧乃歸山川心迹雙寂寞虛館絕諍訟空庭來烏雀卧疾豐暇豫翰墨時間作懷抱觀古今寢食展戲謔既笑沮溺苦又哂子雲閣執戟亦以疲耕稼豈云樂萬事難並歡達生幸可託

清心堂 明一統志在舊郡治

呂由誠清心堂詩夜榻卧看池上月曉牕

吟聽竹間風此心所得無多事要在靈源一點通

秋香堂 萬厯温州府志在舊郡治後

君子堂 萬厯温州府志在舊郡治舊名芙蓉亭在

天池中三面皆荷花

總政堂

温州府志在府治元建

趙鳳儀温州路總政堂記

府治視事所也夫治國如治絲然紛者整之散者一之總之義也溫為浙左上路領二州二縣坐總政者有監有長有貳佐領挈而裘振也表正而影從也其總政之義與堂始於至元庚辰距今四十年而興創顛末無一語以示厥後予以延祐丁巳冬來守詢吏民莫知所對作而言曰是予責也已春秋一門一臺之微必書慎其事也況總庶政達萬民者乎是宜書

夢草堂

萬歷温州府志在今衛治後即謝靈運西

堂

劉基夢草堂遺懷詩即事在自得強歌非正音所以春草句聲價重兼金若人千載下遺響邈

難尋淒涼一池塘
賴爾得至今
我來當杪秋天淨
潢潦沈枯荷有餘
香衰柳無殘陰
鼓鞀響未已
山水意徒深
感時念兄弟
惻愴傷我心

戲綵堂 方輿勝覽在倅廳通判趙屺迎其父清獻

公朴來遂名

蘇轍戲綵堂詩春晚安輿過浙東永嘉別業喜無窮索裝已笑分諸子更

道何妨
向薛公

百詠堂 萬厯温州府志在府治東

西射堂 晏公類要在州城西南十里

謝靈運晚出西射堂詩步

出城西門遙望城西岑連嶂疊嶂崿青翠香深沈
曉霜楓葉丹夕曛嵐氣陰節往感不淺感來念已

深鷄雌戀舊侶迷鳥懷故林含情尚勞愛如何離
賞心撫鏡華緇鬢攬帶緩促衿安排徒空言幽獨
琴 賴鳴

東山堂 名勝志在永嘉縣積穀山下宋周行已建

翁卷東山草堂詩城隅古謝村博士草堂存惟見
烟霞起全無市井喧鶴來巢木杪龜出戲蒲根消
得吟詩客憑
闌看幾番

海月堂 楊蟠永嘉百咏有海月堂詩

適堂 追遠堂 萬厯温州府志宋永嘉孝子仰忻

宅內

嘉忠堂 永嘉縣志在馮成宅宋高宗書嘉忠二字
賜之遂以名堂

遺愛堂 王十朋題雙峯資深堂詩注周開祖昔令
樂清有遺愛後人因以名堂

資深堂 雁山志在雙峯寺後

同心堂 萬厯温州府志樂清朱古學登宋嘉定第
四世同爨因建同心堂

明通公溥堂 萬厯温州府志在平陽縣元元貞元

年重建名公溥堂

林景熙公溥堂記平陽舊縣治關如牧守居其堂曰橫陽道

院令尹陳容更其名曰明通公溥之堂至元丁丑燬越四年辛巳重建廳事及儀門兩廡元貞元年縣陞州改創燕樓前瞻偉美獨未構繡衣之使省風戾止據衆決事退食西偏觀聽不肅大德辛丑秋太守孫筠謀於佐曰是不可無堂自經始至落成不浹月大備乃即舊名縮爲公溥堂

萱竹堂 葉適沈氏萱竹堂記瑞安北湖山水閑美

沈君體仁始治園觀遲客有亭延月有臺室最大曰萱竹之堂沈君爲詩十章聞者皆和北湖之勝遂誇一時

讀書齋 晏公類要城內西偏有謝康樂讀書齋

幽慵齋 東甌遺事永嘉高則誠有幽慵齋

高明幽慵齋自

咏詩閉門春草長荒庭積雨餘青苔無人掃永日謝軒車清風忽南來吹墮几上書夢覺聞啼鳥雲

山滿吾廬安得菰中散尊酒相嬉娛

初心齋 萬歷温州府志平陽鄭樸翁所居

止齋 仙巖寺志陳傳良讀書處

陳傳良止齋月夜書懷詩送客門初

掩收書室更座新篁高過瓦涼月下臨除行處纔扶杖餐時却饋魚今朝風日好莫問夜何如

觀瀾軒 温州府志在郡城宋建

翠幄軒 溫州府志在郡城宋建前有榕樹甚巨

楊蟠

翠幄軒詩海榕根倒出皮幹亦輪囷或問壽幾許十年為一春

不負軒 隆慶樂清縣志縣治有不負軒

王十朋題洪丞不負

軒詩坐此軒無媿問君何以能所行皆是學不負豈惟丞鳧驚文書靜槐松詩思凝博陵徒種績踐履亦何曾

綠畫軒 溫州府志去玉簫峯二十里樂清孫氏之

別業

王十朋綠畫軒記出簫峯西南二十里有山遠隱若虹霓之狀俗謂之霓山樂安孫君之

居得霓山之勝峯巒奇偉林麓靜深有泉發於其下可飲可灌於是枕山而立棟宇因流而蓄池沼

結軒向明收拾景象軒之外有嘉木數株修竹千
挺翳鬱蒼翠嫵媚滿洒播為疎枝舒為濃陰舞清
風搖蒼烟影明月漏山光之窈窕陰碧沼之漣漪
禽鳥宅其幽龜魚息其陰左右青山環合眈帶藍
黛之色與天連碧四時不凋眼界常清望之宛然
如在畫圖中蓋此軒之佳致也主人與客日飲於
其間寒光入座秀色可掬明瑩杯盤冷襲襟宇寬
清氣與深杯不能發其醉情舒興遠高歌不能寓
其逸觀者在旁疑其壺觴几席皆圖畫中物賓主
僕從皆圖畫中人也
有客常游茲軒陪主人之清
尊覽景物之幽奇寓之於目得之於心有若不能
忘者主人曰客為我名之客曰予嘗讀韓退之南
山詩有濃綠畫新就之句愛其清新峭拔恨斯景
之莫見今此軒之秀底幾其彷彿采其語而名之
可乎主人曰可客為記之客曰軒宇景物之大槩
四時朝暮之氣象生絹一幅可得而畫也濃綠之

句可采而名也若夫清風一來披雲拂玉天籟之
奇非絲非竹雖神工妙手有莫得而模寫博物辨
口亦不能形容
也予將何言

龍壑軒 吳子孝有龍壑軒夜坐詩見雁山志

流觴亭 名勝志在舊郡齋東偏宋守樓鑰建梵池
爲山水繪蘭亭修禊圖於壁

芙蓉亭 明一統志在府治

中山亭 永嘉縣志郡城中山有亭在鹿城書院側
雖小阜係郡之主山也

醉筠亭 萬厯温州府志在華蓋山

富覽亭 明一統志在永嘉縣郭公山萬厯温州府

志宋嘉祐三年知州楚建中建

沈紳為記

留雲亭 萬厯温州府志郡城東南積穀山城沿其

上上有留雲亭

永嘉縣志明萬厯中重修改為東柄亭

絕境亭 名勝志宋邑人周行已建於郡城積穀山

上

周行已絕境亭詩雲橫絕塵境峻堞若繩削羣山列培塿雲水分脈絡下瞰萬瓦居縹緲見樓

閣松風發天籟泠然衆響作
晶瑩天宇淨塵襟一澄廓

積穀亭 温州府志在府治東南積穀山屹立危巖

俯瞰大海為一方壯觀

四時萬象亭 明一統志在府城北門江濱元黃潛

有記

南亭 晏公類要在州南一里太平寰宇記即謝公

游處

謝靈運游南亭詩時竟夕澄霽雲歸日西馳
密林含餘清遠峯隱半規久痾昏墊苦旅館

眺郊岐澤蘭漸被徑芙蓉始發池未厭青春好已
觀朱明移戚戚感物嘆星星白髮垂藥餌情所止
衰疾忽在斯逝將候秋水息景偃
舊涯我志誰與亮賞心惟良知

北亭 方輿勝覽在州東北五里謝靈運秩滿與民
叙別於此

謝公亭 何文淵謝公亭記江心寺之西南陬舊有

謝公亭相傳靈運守永嘉時來游必憇於此

林彥登謝

公亭詩乘開遠過中川寺孤嶼亭前落照時漫策
枯藤尋往事笑摩蒼藓讀殘碑江涵北郭天初霽
草綠西堂夢已離惟有風流
消不盡海天空濶鳥飛遲

懷謝亭 永嘉縣志唐吳會爲永寧令慕謝康樂之

風構亭曰懷謝

江山一覽亭 萬厯温州府志在郡城華蓋山巔

永嘉

縣志亭後圯明嘉靖中重建改為吸江亭萬厯中復建改名大觀亭侯一元大觀亭詩華蓋倚城巔登臨萬水烟亭孤當落日江遠欲浮天雙樹春雲裏孤舟野水前春心成浩蕩一倍惜離筵

襟江亭 萬厯温州府志在郡城江北永寧山上

永嘉

縣志亭在章山萬厯中守衛承芳題其岩曰鏡臺

白岸亭 太平寰宇記在永嘉縣楠溪去州八十七

里因岸沙白為名

謝靈運白岸亭詩拂衣遵沙垣緩步入蓬屋近澗涓密石遠山

映疎水空翠難強名漁釣易為曲援蘿聆青崖春心自相屬交交止相黃呦呦食苹鹿傷彼人百哀

嘉爾承筐樂榮悴迭去來窮通成
休戚未若長跼散萬事恒抱朴

筆亭 永嘉縣志縣治西北郭公山有晉郡守王羲
之筆亭久圯今字跡猶存

望海亭 名勝志永嘉縣青巖山兩山如門宋永明
中郡守顏延之於此築亭以望海

醉樂亭 溫州府志在永嘉縣西五里西山宋郡守

孫懋建

葉適醉樂亭記永嘉多大山在州西者獨
細而秀十數步內輒自為拱揖高不孤聳

下亦疑止陰陽附從向背以情水至城西濶千尺
自峙巖港至鯨野新橋陂蕩縱橫舟艇各出蓮茭

中權歌相應和已而皆會於思遠樓下土人以寒食掃冢而祭相與為遨嬉城內外無居人焉故西山之游為最著然地狹而專民多而貧遊者心競不相下或舉債移質為畢事而已固不能闢珍麗窮水陸也守長不察曰噫侈富甚矣貪胥所窺暴令繩之必邏捕以酒奪其笑語械縛撻擊權利數倍嗟夫以宴從奢求一日之樂而貽終年之憂不變者何也朝議大夫直龍圖閣宣城孫公為郡之初訪民俗之所安而知其故至清明節始罷權弛禁縱民自飲又明年宅西山之中作新亭以休遊者名曰醉樂取昔人醉能同其樂之義公性不喜飲其政不專為寬蓋通民之願而務得其情如此乎成而民歌樂之當是時四隣水旱不常而永嘉獨屢熟殆天亦以其人之和者應之歟古之善政者能防民之佚游使從其教節民之醉飽使歸於德何者上無所利以病民也及其後也因名之自

游而為之禦招民以極樂而盡其利民猶有不得
游且樂則其賴於生者日已薄也故予記公之事
既已賢於今之所謂病民者而推公之志又
將進於古之所謂治民者也紹熙五年記

駐鶴亭 明一統志在府城南宋白玉蟾嘗寓此

翠微亭 萬厯温州府志在永嘉縣廣化鄉太平山

楊蟠翠微亭詩飛蓋出西郭正當
新雨晴遙山已可數永落更分明

敬亭 永嘉縣志鮑若雨商霖有屋於雁池河南張

思叔命之曰敬亭

張繹敬亭記鮑君商霖率二三
子自永嘉來學於伊川先生勤

苦自勵早夜孜孜不舍於吾先生之門人以君為
畏友也一日謂余曰永嘉素號繁麗而雁池又其

衝也吾家作亭於其南而中間大湖浩然若千里
大江之阻吾將綵衣婆娑其下雖繁華於我何加
予應之曰噫子言過矣使子有主於中雖坐諸紛
華中可也不然特形苦而心馳一勺之水奈子何
昔吾聞諸先生曰學之道始乎敬而已敬則實實
則虛虛則無事矣子推是言而求之慎思之明辨
之篤行之含醲浸化亦將庶幾乎言未既商霖起
拜曰予無敢言矣吾今而後知夫子之道大而予
不予欺也請
名其亭曰敬

千橘亭 來鷗亭 留勝亭 萬厯温州府志俱在

永嘉縣姚溪

衆樂亭 蓮嶼亭 圓照亭 並見楊蟠永嘉百咏

三高亭 隆慶樂清縣志在西塔山半俗呼半山亭

有碑刻云晉王羲之宋謝靈運唐孟浩然曾游此

雙瀑亭 隆慶樂清縣志在簫臺峯下

王十朋雙瀑詩注亭壞久

矣洪丞命工起廢氣象一新

翠微亭 雁山志在靈巖靈峯中道

更幽亭 萬厯温州府志在樂清縣白鶴寺前

忘歸亭 雁山志在大龍湫下

侯一元忘歸亭觀大龍湫詩沿洄一里溯

漣漪旋見銀河絡地維陰澗王龍呈天矯天風織女颺機絲日斜烟霧蒼崖斷潭隱雷霆暮雨垂可

是忘歸更忘去出
山流水意俱遲

看不足亭 雁山志在靈峰洞詎那觀瀑臺之上

藍玉亭 雁山志在雙峰寺側

觀海亭 萬厯温州府志在樂清縣白沙嶺

岑山亭 萬厯温州府志在樂清縣
張翥岑山亭詩
百尺新亭起碧

潯長藤古木鬱蕭森水重山掩分吳越
自古今飛鳥去邊浮海色夕陽明處散秋陰
五雲

長近仙臺上時
聽驚蕭月下吟

春暉亭 隆慶樂清縣志在櫟川

王奕春暉亭為櫟
川子賦詩昔人念

親心何如喻彼百草蒙春暉一川含綠草方長滿
地落紅春已歸草欲報春春欲改子欲養親親不
待嗟哉物兩人亦然對草無言淚如海陽春有脚
還復來今年花謝明年開慈親一去不復見畫圖
空寫春風面梓川有子思報親結茆作亭留白雲
親恩難酬春易度獨倚欄干怨春暮寄言孝子須
惜時流光暗促親顏移春盤薦
脆須及早莫待酒澆墳上草

八老亭 名勝志在樂清縣沐簫泉下

臨江亭 萬厯温州府志在樂清縣萬橋旁

代笠亭 王十朋代笠亭記吾家之西北原有田二
頃季弟昌齡即田之畔創容膝之亭而名以代笠

清安亭

隆慶平陽縣志在縣治林宜孫銘

望月亭

愛濂亭

萼香亭

萬厯溫州府志並在

平陽縣治

西山爽氣亭

隆慶平陽縣志在縣南

叢桂亭

明一統志在平陽縣治南宋時邑人同年

登文武科者十六人令徐以道為建此亭

雨暘一憇亭

萬厯溫州府志在平陽縣蕭家渡

來儀亭

萬厯溫州府志在平陽縣鳳山又有醉翁

亭

東耕亭

陸山亭

隆慶平陽縣志並在陸源

應夢亭

萬厯溫州府志在平陽縣鳳林鄉青華山

宋林夢桂記

馭風亭

雪坡亭

倦游亭

問山亭

絕塵亭

萬厯溫州府志並在平陽縣萬全鄉鳴山

甘泉亭

萬厯溫州府志在平陽縣金丹鄉宋德祐

二王汲水處

雲松亭

仙壇記平陽縣仙壇舊有雲松亭

此君亭

萬厯温州府志在平陽縣林宜孫記

仰雲亭

平陽縣志在象灣山

超覽亭

仙巖寺志在清虛樓後初名挹芳

仰止亭

萬厯温州府志在瑞安縣仙巖邑令高賓

為陳止齋建

高賓仰止亭詩一道飛泉瀉兩崖四山佳樹小亭偕坐消烟靄青天出千

仰峰頭
見止齋

觀瀑亭

温州府志在瑞安縣崇泰鄉仙巖梅雨潭

側

振玉亭

仙巖寺志在梅潭崖上坐觀飛瀑今改名

快亭

懋蓮亭

仙巖寺志在慧光塔下

翠微亭

萬厯温州府志在瑞安縣仙巖上宋木天

駿建

流觴亭

仙巖寺志在懋蓮亭傍亭制八角曲池象

之鑿渠引泉宛然永和故事

尋壑亭

仙巖寺志在通元洞下

海觀亭

萬厯温州府志在瑞安縣龍山塔院後改

名大觀

潭風亭

浮舟亭

萬厯温州府志在瑞安縣來暮

鄉五雲瑜珈寺

清音亭

名勝志在今泰順縣庫村宋郡守吳繹建

交溪亭

名勝志在泰順縣受城門外

川山亭

萬厯温州府志在泰順縣

蓮花巖亭 溫州府志在泰順縣八都

拱北樓 萬厯溫州府志在子城上

中和樓 東甌遺事在郡治圃內施守建

鎮寧樓 萬厯溫州府志在郡城拱辰門外下臨永

寧江

池上樓 太平寰宇記謝公池在州西北積穀山之

東謝公夢惠連得詩於此萬厯溫州府志在豐暇

堂北

謝靈運登池上樓詩潛此媚幽安飛鴻響遠音薄霄覬雲浮栖川作淵沈進德智所拙退

耕力不任狗祿返窮海卧疴對空林余枕昧節候
寒開暫窺臨傾耳聆波瀾舉目眺岨嶽初景革緒
風新陽改故陰池塘生春草園柳變鳴禽祁祁傷
幽歌萋萋感楚吟索居易永久離羣難處心持操
豈獨古無
閔徵在令

謝公樓 晏公類要在州東北五里本北門樓也萬

厯温州府志在郡城拱辰門上謝靈運游適之地

思遠樓 方輿勝覽對西山羣峰瞰會昌湖里人於

此觀競渡萬厯温州府志在郡治西南宋郡守劉

述建元郡守阿都齊復建

林泉生思遠樓記思遠樓在永嘉郡治之西冠

山麓湖為東州勝地以其思致幽遠故名或曰為
浮屠惠遠者非也舊樓燬於至正辛巳之冬又明
年癸未太守西夏嘉謀公廣其故址作崇臺高榭
甍飛棟舉燦然加盛於舊既成太守燕客其上遙
望晴峰落日長河流雲林園茂密禾麥滿野蒲菰
荇芡之屬襟還川澗風颿烟艇漁歌樵唱相往來
應答於空濛杳霽間皆足以滌煩慮發幽趣也公
名阿都齊字孝卿由禮部出典是邦政務長厚云
葉適雪後思遠樓曉望詩臘盡凍初合風花江欲
平急從高處賞已向歲前晴莫與鬢爭白試將身
比清樓頭接遠
岫厯厯正分明

浩然樓 王叔杲孤嶼記孤嶼江心寺林木交蔭殿

閣輝敞獨浩然樓峻竦洞達坐其中滄波可吸干

峰森前孟襄陽所咏衆山遙對酒是也

與造物游樓 趙師秀有題陳水雲與造物游樓詩

見温州府志

文峰樓 永嘉縣志宋陳聖元早舉於鄉築此樓吟

咏自適

冷吹樓 温州府志在賜湖

王至言冷吹樓詩吹臺
倒影湖波綠湖上風光

看不足三溪小匪如雲流岸草汀花還斷續壽藤
老樹周四園橫空白鳥銜魚飛平沙垂柳蔭小艇
烟波縹緲圍魚磯奕世相承此湖長憑虛傑構恣
清賞水光山色一凭闌十里荷香還蕩槳月節花

時總稱情辟寒消暑拉同盟
瓊華不減長春苑虛
籟疑聞緱嶺笙酒杯茶局閒
清畫湘簟疎簾明遠
岫竹下迷離催煮茶湖邊彷彿飄紅袖畫船搖曳
循洲渚明月霓裳歌白苧鶯語問闌綠樹中傲殺
東隣採蓮女甌越幽偏事事宜風流更覺勝
當時獨憐清夢兼葭隔一水盈盈若有思

東樓 西樓 南樓 臨圃樓 並見楊蟠永嘉百

咏

章義樓 萬厯温州府志在樂清縣驛頭舖南閣章

璫建置義田三十畝晉安鄭善夫詩檢書已得忠

臣傳問俗兼聞章義樓

昭義樓

萬厯温州府志在樂清縣鶚頭

東甌遺事
嘉靖二十

五年海寇劫鶚頭處州牟洪
等拒戰勝之縣為立昭義樓

錢王樓

隆慶平陽縣志在前倉寶勝寺吳越錢王

曾宿於此址存

靜樂樓

戴星樓

温州府志並在瑞安縣治

積翠樓

仙巖寺志在西積翠峰之前

清虛樓

仙巖寺志在超覽亭前

王應辰春日再過
仙巖就清虛樓小

懋詩曉率何年寺春風雨度游覺花明寶樹法雨
灌靈湫徑轉聞松籟溪回見蕙洲絕林猶可借信

宿上方樓

聽瀑樓

萬厯温州府志在瑞安縣雲頂院上

趙岬聽瀑

樓詩佛巖瀟洒亂山根一派從來八水源瀉瀑橫飛龍獨挂石形中斷虎雙蹲

紅雲閣

甌江逸志温州州治宋時建紅霞閣簷外

有紅梅二株又名紅雲閣

楊蟠紅雲閣詩重重風日透花氣滿池塘誰把

紅雲比紅雲無此香

澄心閣 萬厯温州府志在舊治秋香堂東

滄浪閣 明一統志在府城內宋建

澄鮮閣 王叔果孤嶼記孤嶼江心寺左為孤嶼亭
越亭數武為澄鮮閣瞰長江有二巖屹立波心當
閣前西望掛彩諸峰如挾浪浮動焉

冷翠閣 萬厯温州府志在郡城護國寺楊蟠有詩
臺盤閣 温州府志在永嘉縣大羅山卧龍潭

御覽閣 萬厯温州府志在永嘉縣金輿福聖寺宋
高宗駐蹕於此

竹閣 見楊蟠永嘉百咏

鼇山閣 名勝志瑞安縣西峴山有鼇山閣在其上

宋建

蘇起鼇山閣詩從來海上足名山圓嶠方壺
拾顧閻頤有此軒相映帶盡收佳景在人寰

觀潮閣 名勝志在瑞安縣峴山上宋時建

葉適瑞安縣廳

事記郭西有觀潮閣遺址平視海門衆山葱龍魚
龍變怪為一縣奇特王十朋觀潮閣詩高臨無地
屹山腰今古知觀幾度潮水鑑掛空波正滿鯨魚
入穴浪還消雪初出地神龍怒銀忽成山海若驕
聖世風濤合平靜
不應泛濫似前朝

問月臺 明一統志在府治東宋時築

下馬臺 東甌遺事在元妙坊宋高宗謁天慶宮神

御時於此下馬

吹笙臺 名勝志永嘉縣南吹臺山上有王子晉吹

笙臺

許景衡吹笙臺詩開說笙臺上秋來鎖薜蘿
白雲常自在幽徑復誰過天末空懸睇尊前

且浩歌山林與廊
廟二者竟如何

飛綃臺 見楊蟠永嘉百咏

秋月臺 溫州府志在子城上

雪臺 隆慶樂清縣志在縣治

蛾眉臺 萬厯溫州府志在平陽縣治東隅

舒嘯臺 瑞安縣志在清泉鄉東山筆架巖左宋許
景衡遷居於此高宗賜額今遺址尚存

妙高臺 瑞安縣志在清泉鄉

讀書臺 仙巖寺志在仙巖上宋陳止齋讀書於此
鑿盥手盂於崖畔今尚存

嘉樹臺 仙巖寺志在憇蓮亭右有古榕極怪

瞿素宅 永嘉縣志縣有瞿嶼山吳義士瞿素所居
李整宅 萬厯温州府志郡城內習禮坊晉李整捨

宅爲崇安寺唐改開元寺

劉冲宅 萬厯温州府志去郡東南四十里大羅山
唐劉冲隱居處後人稱廉讓里

李集宅 永嘉縣志唐宗室李集隱居茶山

蔣湛宅 温州府志永嘉縣西五十里建牙鄉後梁
蔣湛隱此刺史季廣琛建牙持牒詣其家徵之

李少和宅 名勝志永嘉縣大羅山宋李少和世居
於此太宗真宗屢召見之

朱士廉宅 萬歷温州府志永嘉縣北仙桂鄉宋朱

士廉居此

周行已宅 東甌遺事郡城小雁池東畔有宋儒周

恭叔故居舊名浮沚今爲浮沚書院

周行已浮沚記于浮雲其

仕泛然出油然歸有名無位凡民如也有鄉無居
逆旅如也慨室淨光山之下古西射堂之遺址叢
然小洲綠以爲水予視吾生若漚起滅不常予視
吾身若萍去留無止以吾無止之身而處暫寓之
室聚沫也塵垢也蟬蛻也芻狗也於吾何有哉政
和歲在執徐六月癸丑颶風大作橋簾門毀簷折
雨漫乃易橋以舟瑾北戶而南嚮增簷爲軒寄容
足之苟安按爾雅水中可居曰洲其小者曰沚人

所為曰滴子惡滴之名而欣泚之義於是總其名曰浮泚浮泚之西舊為小閣名曰漚閣浮泚之東新為小軒名曰萍軒其泚舊為門道所從出闢而為室名曰浮室室者室也室吾心之陰幽不善也其南假道於隣引舟而渡到彼岸焉名曰筏渡渡者度也度一切陽明之善也是吾居也因水而為洲因洲而為室因室而為名因名而為義義皆浮義也寄焉宜也聊爾而已耳故吾不獨浮其任又且浮其居不獨浮其居又且浮其生然則有之而何得無之而何失吾聞古之有道也貧而樂窮而適豈謂是歟非曰能之願學焉記以自警

蔡幼學宅 萬厯温州府志永嘉縣慶善坊宋尚書

蔡幼學居此

周侃宅 永嘉縣志招賢巷宋周侃居此

伊導宅 永嘉縣志縣西南孝義鄉宋伊孝子居此

葉適宅 名勝志永嘉縣有西湖南湖總謂之會昌

湖宋葉適世居西湖之水心號水心先生

萬厯溫州府志

適之先自處州之石林徙永嘉城南水心其所居有華堂

戴溪宅 名勝志永嘉縣岷岡山宋儒戴溪築室其

上稱岷隱先生

趙建大宅 萬厯温州府志永嘉縣六都新建街宋

狀元趙建大所居

阮放宅 隆慶樂清縣志湖濱山世傳晉阮放居此

張廌宅 方輿勝覽樂清縣白鶴山一名丹霞山晉

張文君隱居於此郡守王羲之訪之文君遁入竹

去後捨爲白鶴寺文君名廌

焦千之文君宅詩曾
是文君宅幽深鎮翠

岑澗松迷白鶴溪石隱黃金丹竈今猶在蕭臺尚
可尋予來不能厭誰共聽泉音李建中張文君宅

詩玉蕭峰下仙君宅千樹巖花幾百春
當日會稽王內史如何不見竹間人

張少府宅 孟浩然有除夜會樂成張少府宅詩

樂成

今樂
清縣

沈著作宅 萬厯溫州府志在樂清縣澱村

錢堯卿宅 隆慶樂清縣志蒲圻龍穴山宋錢堯卿

居此

錢朝彥宅 溫州府志在樂清縣白石

王十朋宅 名勝志樂清縣東北三十里左原山羣

峰環繞中有田二千餘畝民居悉藏谷中一峰如

卓筆有梅溪蓴湖左嶺為小雁蕩王龜齡之居在

焉

王十朋左原詩并序樂清之東有山名左原以其居邑之左也中有左嶺左湖左口皆以左名

之予七世祖自杭徙溫家於是原地雖荒僻有水足以自娛予丐祠得請日與兄弟隣里有杖屨登臨之適原中景物可資賦詠者各識以詩預作休休計先開小小園杖藜成日涉得趣與心論右小小園一間僅容膝閉門塵慮捐讀書心已懶高卧腹便便右便便閣小徑循園闢青青草色都主人猶未仕時得理荒蕪右青青徑繞舍種修竹清風長滿筵天姿本來淨不雨亦涓涓右涓涓林九畹何人種光風泛國香林間今幾許鼻觀日揚揚右揚揚畹吾園豈不富黃金無數錢誰云何用好霜裛白鮮鮮

右鮮鮮砌

謹按王十朋有至樂齋賦有四友堂觀先君子遺跡詩有書小成室詩有題東園詩有書率飲亭壁

詩有自題隨齋詩有書
不欺室詩並宅中名也

林幹宅 隆慶樂清縣志在木榴山

黃友宅 萬厯温州府志在平陽梅源御書忠節傳

家旌其閭

林逢龍宅 平陽縣志在寶巖山下

林景熙宅 名勝志昆山之陰有白石巷乃宋林景

熙所居

陳傅良宅 名勝志在瑞安縣仙巖山陳傅良授徒

於此朱晦翁來訪之書溪山第一四字

王奕宅 温州府志在瑞安縣霞碧山宋霞碧山人

王奕居此

卓敬宅 萬厯温州府志在瑞安縣卓舉

吳畦宅 泰順縣志唐吳畦宅今屬縣之庫村

墨池 萬厯温州府志在城內墨池坊王右軍臨池

作書於此米芾書墨池二大字

葉式墨池記右軍刺溫多惠政政服

輒復臨池以適其情後人因祠於郡城東南而尸祝之祠之東為墨池其制方其水冽或云即逸少

滌硯所至今水面時見墨點如蝌蚪汲之無有凡
鴻生碩儒游宦於茲者往往有所紀述使右軍無
他善而區區臨池之工亦何足志顧其生平履歷
有大焉者此溫之人所以拳拳斯池更千百載底
幾乎甘棠之風也

陽湖別墅 永嘉縣志郡城南陽臺山有邑人王叔
杲陽湖別墅

瓜廬 溫州府志薛師石築室會昌湖上名曰瓜廬

趙師秀薛氏瓜廬詩不作封侯念悠然遠世紛惟
應種瓜事猶被讀書分野水多於地春山半是雲
吾生嫌已老
學圃未如君

雲門福地

萬厯温州府志在樂清縣治東澄清坊

宋紹興中令王傳作亭

劉敞雲門福地記雲門界閭闔區中東侵西缺弗而

不治者幾寒暑矣少府俞君道明攝縣事肯訪民瘼且知茲土不克復其舊者勢家軋之也俞君曰夫既謂之福地則亦一邑之民望也長民者不以怵而阻則以懈而寔夫奚取遂按圖經發蕃啓塞而盡得之周垣墉揭以門扁而求記於予夫道家者流所謂洞天福地特其寓耳曷令尹心乎予其民不畏強禦不憚勤勞苟有以福吾民是即福地也咸淳二年記

盤谷精舍

温州府志在樂清縣盤谷山宋王十朋

之孫築精舍於此

登瀛門 明一統志在樂清縣東以宋王十朋魁天

下故名路出黃巖縣界

種玉畦 萬厯温州府志在瑞安縣福全山陶弘景

修煉之所

陶弘景丹室 元豐九域志在瑞安縣西四十里 周

已陶隱居丹室記崇寧三年夏六月維揚呂君少
逸來涖是邑以其餘暇歷覽山川得陶隱居先生
丹室於陶山佛寺先生本史故不載嘗至此方賈
嵩采登真訣作別傳云梁天監中自海道至永嘉
得木榴嶼居之以作丹今永嘉境中無所謂木榴
嶼者而室之下有仙壇丹井雖歲久相傳不可驗

考然山之為陶山舊矣豈山以人著乎按諸家傳皆云先生長七尺二寸神儀明秀膚色皙澤令其

像繪乃趙清獻公得

閣下本傳置室中

升仙壇 瑞安縣志陶山前江後湖陶弘景隱此有

升仙壇

大荆驛古樟 王思任雁蕩山記古樟抱十人

浙江通志卷五十